



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

28 APRIL 2021 (RABU)



KEMENTERIAN PERDAGANGAN DALAM NEGERI
DAN HAL EHRAL PENGGUNA

**KERATAN AKHBAR
DAN MEDIA ONLINE
(KPDNHEP)**

28 APRIL 2021 (RABU)



ROSOL menunjukkan aplikasi Price Catcher yang mempunyai pelbagai fungsi termasuk perbandingan harga antara premis bagi memudahkan pengguna membuat pilihan terbaik.

Price Catcher bantu pengguna membuat perbandingan harga

Oleh FARID AHMAD TARMUJI

MENJELANG musim perayaan, bagaikan menjadi satu kelaziman apabila harga barang basah meningkat.

Permintaan barang basah yang bertambah ketika musim perayaan daripada pengguna mendorong segelintir peniaga mengambil kesempatan dengan menaikkan harga barangan tersebut.

Sikap sesetengah peniaga yang ingin mengaut keuntungan berlipat kali ganda ini sedikit sebanyak telah membebaskan pengguna yang semakin tersepit akibat pandemik Covid-19.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid berkata, dalam hal ini, kuasa pengguna sangat penting apabila berhadapan dengan isu kenaikan harga barang.

Menurutnya, pengguna berhak untuk memilih sama ada untuk membeli atau tidak barangan tersebut ketika harganya melambung tinggi.

"Ketika saya turun padang membuat pemeriksaan harga barang di sebuah pasar di Kuala Terengganu, Terengganu minggu lalu, ramai peniaga mengeluh jualan mereka merosot kerana pelanggan tidak mahu membeli ayam pada harga mahal.

"Ramai pelanggan yang hadkan pembelian. Jika biasanya mereka beli dua ekor, sebab harga naik mereka



Ketika kecoh harga ayam mahal sehingga mencecah RM10 sekilogram baru-baru ini, apabila saya semak aplikasi Price Catcher, beberapa pasar raya besar dan pasar raya mini di Pulau Pinang menjual ayam pada harga serendah RM6.99 sekilogram."

hanya membeli setengah ekor. Di sini kita boleh lihat kesan kuasa pengguna itu sendiri," katanya.

Tambahnya, tindakan itu sedikit sebanyak memberi kesan kepada peniaga, tetapi itulah peranan dan hak sebagai pengguna yang boleh dipraktikkan.

Dengan tindakan sedemikian, peniaga mungkin akan menurunkan harga barangan tersebut.

Apa yang penting, jelasnya, berbelanjalah dengan berhempah.

Rosol menegaskan, kadangkala apabila beliau berkata demikian, ada pihak yang mengecarnya dan mengatakan beliau mahu mengajar pengguna.

Tetapi, ujarnya, itulah hakikat yang perlu diakui oleh semua pihak bahawa pengguna mempunyai kuasa yang sangat besar.

Selain itu, pengguna harus sentiasa

membuat perbandingan harga sebelum membeli barang bagi mengelak menjadi mangsa manipulasi harga oleh peniaga yang cuba mengambil kesempatan.

Dalam membantu pengguna di luar sana melakukan perbandingan harga, Kementerian Perdagangan Dalam Negeri dan Hal Ehwal Pengguna (KPDNHEP) membangunkan aplikasi Price Catcher.

Rosol menjelaskan, aplikasi tersebut membantu pengguna membuat perbandingan harga dan memilih lokasi berhampiran yang menjual barangan keperluan pada harga paling rendah.

"Sebagai contoh, ketika kecoh harga ayam mahal di Pulau Pinang sehingga mencecah RM10 sekilogram baru-baru ini, apabila saya semak aplikasi Price Catcher, beberapa pasar raya besar dan pasar raya mini di Pulau Pinang menjual ayam pada harga serendah RM6.99 sekilogram.

"Saya pernah bertanya beberapa pelanggan pasar basah yang saya temui ketika turun membuat pemeriksaan, mengapa mereka tak nak beli ayam di pasar raya, jawapan mereka sebab ayam di pasar raya tak segar," katanya.

Tambahnya, tetapi sebenarnya persepsi itu salah kerana kualiti ayam di pasar raya juga setanding dengan di pasar basah.

Jelasnya, ini kerana ia melalui proses dan prosedur yang ketat terutama dari segi kebersihan dan kesegaran barang.

Tegasnya lagi, kesedaran pengguna terhadap kemudahan Price Catcher ini masih rendah dan KPDNHEP sedang giat

menjalankan usaha berterusan dalam mempopularkan penggunaan aplikasi itu dalam kalangan pengguna.

Dalam pada itu, melalui aplikasi itu, pengguna dapat menjimatkan masa dan kos apabila membuat perbandingan harga antara premis yang menjual barangan keperluan di sesuatu kawasan.

Ia boleh dilakukan dengan hanya mengguna hujung jari di peranti pintar. Aplikasi Price Catcher itu juga turut dilengkapi dengan fungsi mesra pengguna.

Antara fungsi yang terdapat dalam aplikasi tersebut termasuklah carian mengikut kategori, lokasi atau perkataan.

Selain itu, aplikasi berkenaan turut dilengkapi dengan fungsi perbandingan harga berdasarkan barangan.

Pengguna boleh mengetahui berbanding harga untuk barangan sama yang dijual oleh peniaga berbeza.

Ini akan membantu pengguna membuat pilihan untuk mendapatkan barangan pada harga yang lebih murah.

Dalam pada itu, aplikasi itu juga dilengkapi dengan fungsi arah pandu ke premis pilihan.

Melalui aplikasi itu, pengguna boleh berkongsi maklumat harga atau promosi yang ada di sesuatu premis untuk pengetahuan pengguna yang lain.

Bagi pengguna yang ingin memuat turun aplikasi Price Catcher ke peranti pintar masing-masing, ia boleh dilakukan melalui platform GooglePlay dan AppStore.

30 peniaga ingkar dikompaun

KUALA TERENGGANU - Kementerian Perdagangan Dalam Negeri Dan Hal Ehwal Pengguna (KPDNHEP) Terengganu mengeluarkan kompaun terhadap 30 peniaga kerana didapati telah melakukan pelbagai kesalahan.

Pengarahnya, Saharuddin Mohd Kia berkata, daripada jumlah itu 13 peniaga dikompaun kerana gagal meletakkan tanda harga dan 10 lagi menggunakan alat timbang sukat tidak ditentusahkan.

"Kita turut mengeluarkan enam kompaun kepada peniaga yang gagal menggunakan tanda harga khas berwarna merah jambu manakala seorang lagi peniaga dikompaun kerana menjual barangan harga terkawal melebihi harga maksimum ditetapkan.

"Sebelum tindakan kompaun diambil, teguran dan amaran telah diberikan terlebih dahulu kepada para-peniaga, namun masih ada yang ingkar mematuhi penetapan harga maksimum," katanya dalam satu kenyataan pada Selasa.

Menurutnya, kompaun keseluruhan sebanyak RM3,150 itu dikeluarkan dalam tempoh enam hari pelaksanaan Skim Harga Maksimum Musim Perayaan (SHMMP) Hari Raya Puasa 2021 bermula 21 April lalu.

Sepanjang tempoh itu pihaknya telah memeriksa 453 premis di seluruh negeri bagi memastikan peniaga mematuhi peraturan ditetapkan.

Peniaga tetap untung jual harga rendah

Sikap penjual di Kompleks Pasar Meru wajar dicontohi

Oleh Ruwaida Md Zain
bhnews@bh.com.my

Klang: Meskipun mengenakan harga jualan lebih rendah berbanding harga maksimum ditetapkan kerajaan, peniaga di Kompleks Pasar Meru, di sini tetap berupaya meraih keuntungan.

EXCO Hal Ehwal Agama Islam, Hal Ehwal Pengguna dan Industri Halal Selangor, Mohd Zawawi Ahmad Mughni, berkata ia wajar dicontohi peniaga di tempat lain kerana sikap seperti itu membolehkan pengguna terutama golongan kurang berkemampuan membeli pada harga berpatutan.

Katanya, tinjauan ke pasar terbahit bersama Kementerian Perdagangan Dalam Negeri dan Hal Ehwal Pengguna (KPDNHEP) Selangor, semalam mendapati barang yang dijual peniaga juga lebih cepat laris.

Beliau berkata, harga ditawarkan mengikut harga disyorkan kerajaan, iaitu ayam hidup RM6.80, ayam standard RM7.90, ayam super RM8.70 dan daging lembu tempatan RM34, daging kerbau import RM20, ikan kembung dan ikan mabong RM15 ser-



Mohd Zawawi (dua dari kiri) bersama penguat kuasa KPDNHEP Selangor meninjau harga barangan Skim Harga Maksimum Musim Perayaan Hari Raya di Pasar Awam Jalan Meru, Klang, semalam. (Foto Faiz Anuar/BH)

ta ikan selayang RM12 bagi sekilogram.

"Hari ini (semalam) saya bersama 20 pegawai dan anggota penguat kuasa KPDNHEP Selangor meninjau harga maksimum membabitkan empat jenis barang iaitu ayam, daging, ikan dan telur.

"Kami mendapati peniaga di pasar ini menjual pada harga lebih rendah antara RM1 hingga RM2 dan mereka mengakui masih meraih keuntungan," katanya.

Beliau berkata demikian pada sidang media selepas melakukan pemeriksaan Skim Harga Maksimum Musim Perayaan (SHMMP) Hari Raya bagi Selangor 2021 bersama KPDNHEP Selangor, di sini semalam.

Mohd Zawawi juga menggesa pengguna menggunakan kuasa sebagai pembeli bagi mengelak harga barangan melambung tinggi.

"Kalau peniaga boleh jual dengan harga murah, itu lebih baik

mungkin ada harga lantai yang mereka rasa boleh ada untung dan barangan mereka lebih laris serta cepat habis.

"Kalau mereka jual mahal, pembeli akan fikir dua tiga kali dan tidak membeli, akhirnya barang rosak dan tidak terjual," katanya.

Dalam pada itu, Mohd Zawawi juga mengingatkan pengguna supaya tidak melakukan pembelian panik menjelang Aidilfitri.

Bekalan ayam, daging mencukupi

Pengguna dinasihat tidak lakukan pembelian panik

Oleh MUHAMMAD AMINURALIF MOHD ZOKI

KLANG

Bekalan bahan mentah terutama ayam dan daging bagi negeri Selangor dijangka mencukupi ketika sambutan Aidilfitri ini.

Exco Agama Islam, Pengguna dan Industri Halal Selangor, Mohd Zawawi Ahmad Mughni berkata, masyarakat tidak perlu kluatir mengenai kekurangan barangan tersebut.

“Jangan sesekali lakukan pembelian panik, beli seperti biasa,” katanya ketika melakukan tinjauan Skim Harga Maksimum Musim Perayaan Hari Raya Puasa (SHMMP) 2021 bersama Kementerian Perdagangan Dalam Negeri dan Hal Ehwal Pengguna (KPDNHEP) di Pasar Besar Meru di sini pada



Mohd Zawawi (tengah) bersama pegawai KPDNHEP ketika menjalankan tinjauan SHMMP 2021 di Pasar Besar Meru pada Selasa.

Selasa.

Mengulas mengenai tinjauan yang dijalankan di pasar itu katanya, rata-rata peniaga mematuhi kadar harga yang ditetapkan.

“Ini sikap terbaik yang ditunjukkan oleh peniaga sekali gus ia membantu pengguna terutamanya golongan kurang berkemampuan membeli barangan dengan harga berpatutan,” katanya.

Menurutnya, pihaknya akan

terus menjalankan pemantauan agar barangan yang dijual tidak melampaui harga ditetapkan.

“Harga maksimum ini ditetapkan supaya ia tidak dijual dengan harga yang mahal sekali gus membebaskan pengguna. Kalau peniaga dapat jual murah dari harga yang ditetapkan itu sudah bagus,” katanya.

Sebelum ini, KPDNHEP mengenal pasti sebanyak 12 jenis barangan bagi pelaksanaan SHMMP 2021.



KPDNHEP sentiasa memantau harga barangan basah agar terkawal terutama pada musim perayaan.

Harga barangan basah terkawal

SAUDARA PENGARANG.

MERUJUK forum bertajuk Fenomena asal raya, harga daging, ayam naik yang disiarkan dalam ruangan Forum Utusan Malaysia pada 27 April lalu, Kementerian Perdagangan Dalam Negeri dan Hal Ehwal Pengguna (KPDNHEP) menjelaskan bahawa dalam sistem ekonomi terbuka, harga barangan termasuk makanan basah dipengaruhi oleh permintaan dan bekalan, tidak semestinya menjelang Hari Raya Aidilfitri sahaja.

Harga akan naik jika permintaan tinggi tetapi bekalan tidak dapat memenuhi permintaan.

Permintaan dan bekalan bukanlah sahaja faktor yang mempengaruhi harga. Faktor seperti iklim dan cuaca, harga makanan ternakan, kos pengangkutan serta pandemik juga mempengaruhi keseluruhan harga.

Sikap segelintir peniaga, pembekal dan pengeluar yang mengambil kesempatan turut menjadi faktor kenaikan harga. Berdasarkan data dari Penternak Ayam Utama Malaysia, bekalan ayam untuk rakyat sangat mencukupi dan tidak memerlukan pengimportan dari negara luar. Malah, ayam hidup keluaran negara di eksport ke Singapura. Begitu juga dengan telur ayam keluaran ladang-ladang di Malaysia.

Harga ayam sangat stabil ketika perayaan Tahun Baru Cina pada bulan Februari lalu. Ketika itu, ayam standard dijual pada harga RM7.50 sekilo, sama dengan harga pada tahun 2019 dan 2020.

Bahagian Penguat Kuasa dan Bahagian Harga Barangan Negara KPDNHEP mula mengesan kenaikan harga ayam standard pada akhir bulan Mac lalu terutama di pasar raya dan pasar raya besar. Harga ayam standard ketika itu mencecah RM9 per kilogram (kg) dan ada yang telah mencecah RM10 per kg di setengah tempat terpencil.



Permintaan dan bekalan bukanlah sahaja faktor yang mempengaruhi harga. Faktor seperti iklim dan cuaca, harga makanan ternakan, kos pengangkutan dan pandemik juga mempengaruhi keseluruhan harga."

KPDNHEP mempercepatkan pelaksanaan Skim Harga Maksimum Musim Perayaan (SHMMP) untuk Hari Raya Puasa 2021 (HRP 2021) yang melibatkan ayam dan sebelas barangan lain yang menampakkan tanda-tanda kenaikan. SHMM HRP2021 akan bermula pada 21 April dan berakhir pada 20 Mei ini.

Sementara barangan utama keperluan Hari Raya Puasa yang lain seperti barang kering dan sayur-sayuran yang belum menerima tekanan dan kesan dari sudut permintaan dan harga, akan dipertimbangkan untuk dimasukkan dalam senarai SHMMP menjelang hari raya.

Skim Harga Maksimum Musim Perayaan mengikut Akta Kawalan Harga dan Anti Pencatutan 2011 (AKHAP 2011) diperkenalkan bagi mengawal kenaikan harga yang tidak munasabah semasa musim perayaan dan secara tidak langsung mendatangkan manfaat kepada pengguna.

YUNUS TASIM
Ketua Komunikasi Korporat KPDNHEP

Senarai Harga Barang Keperluan	
• Ayam	RM5.99
• Daging Lembu Tempatan	RM34
• Daging Lembu Import	RM21
• Telur Gred A	RM10.00
• Ikan Kembung	RM8.90
• Minyak Masak	RM5.90
• Gula Pasir	RM2.85
• Bawang Besar Holland	RM2.90
• Bawang Putih	RM4.99
• Cili Merah	RM6.50
• Kubis Bulat Tempatan	RM2.50
• Tepung Gandum	RM2.09

*Harga (RM/kg) Sumber: KPDNHEP



KEMENTERIAN PERDAGANGAN DALAM NEGERI
DAN HAL EHWAL PENGGUNA

**KERATAN AKHBAR
DAN MEDIA ONLINE
(BERITA UMUM)**

28 APRIL 2021 (RABU)



KEMENTERIAN PERDAGANGAN DALAM NEGERI
DAN HAL, EHMAL, PENGGOLNA

**KERATAN AKHBAR
DAN MEDIA ONLINE
(AGENSI KPDNHEP)**

28 APRIL 2021 (RABU)

Rayuan 2 syarikat batal denda MyCC dibenarkan

Mahkamah Rayuan membenarkan rayuan Malaysia Airlines dan AirAsia Bhd untuk membatalkan denda RM10 juta yang dikenakan terhadap kedua-dua syarikat penerbangan itu oleh Suruhanjaya Persaingan Malaysia (MyCC) kerana didapati melanggar larangan perkongsian pasaran.

Panel tiga hakim diketuai Hakim Datuk Hanipah Farikullah membenarkan rayuan kedua-dua syarikat penerbangan itu mengembalikan semula keputusan Tribunal Rayuan Persaingan (CAT) yang mendapati bahawa Malaysia Airlines dan AirAsia tidak melanggar Seksyen 4(2) Akta Persaingan 2010.

Hakim Hanipah yang menyampaikan keputusan mahkamah berkata, CAT adalah pihak berkuasa rayuan dan MyCC mesti mematuhi keputusan CAT.

"Ia (MyCC) tidak boleh mengetepikan atau mencabar keputusan pihak berkuasa rayuan melainkan ia diperuntukkan di bawah Parlimen," katanya.

Hanipah berkata, mahkamah berpendapat MyCC bukanlah pihak yang terjejas oleh keputusan CAT itu.

Hanipah membenarkan bantahan awal Malaysia Airlines dan AirAsia bahawa MyCC tidak mempunyai locus standi (hak atau kedudukan di sisi undang-undang) untuk memfail semakan kehakiman terhadap keputusan CAT yang mengetepikan keputusannya (MyCC) untuk mengenakan denda RM10 juta.

Dua lagi hakim yang turut bersidang ialah Datuk Lee Swee Seng dan Datuk Indera Mohd Sofian Abd Razak dan panel hakim itu memerintahkan MyCC membayar kos RM30,000 masing-masing kepada Malaysia Airlines dan AirAsia.

Prosiding itu dijalankan secara persidangan video melalui aplikasi Zoom.

Dalam keputusan mahkamah itu, Hanipah berkata, perjanjian kerjasama itu dimeterai sebelum Akta Persaingan berkuat kuasa pada 1 Januari 2012, sambil menambah ia adalah sah untuk membincangkan perjanjian terbabit pada waktu itu.

MyCC mendenda kedua-dua syarikat penerbangan, Malaysia Airlines dan AirAsia pada 2014 masing-masing RM10 juta kerana melanggar larangan perkongsian pasaran mengikut Seksyen 4(2) Akta Persaingan dengan memeterai satu perjanjian berhubung perkongsian pasaran dalam sektor perkhidmatan pengangkutan udara di Malaysia. BERNAMA